

SURAH AL- BAQARA

VERSES:69-78 {IN ROMAN ENGLISH}

SURAH AL- BAQARA



Assalamu 'alaikum Wa Rahmatullahi Wa Barakaatuhu



VERSES 69-78



BISMILLAH HIR RAHMAAN NIR RAHEEM

(Shuru Allah ke paak naam se , jo bada Meherbaan aur Rahemwala hai)



SURAH AL- BAQARAH
(Verses : 69 to 78)



69). Inhone kaha apne Rab se hamari khatheer dua kariye ke woh hamare liye wazey karde ke is ka (gaay) ka rang kya hai- Is ne (Musa) ne kaha , yaqeenan woh kahta hai ke woh laazma ek zard gaay hai, jiska rang bahuth shauq hai -woh dekhnewalon ko khush kar deti hai.

70). Bole ke hamare khatheer apne Rab se dua kijiye ke hamare liye saaf bayaan kare woh gaay kaisi hai- beshaque sab gaayen ham par mashtabah(ek jaisi) ho gayi hai -Aur ham yaqeenan In Sha Allah zarur hidayath paane wale hai.

71). Kaha woh farmata hai ki woh ek gaay hai jisse khidmat nahi li jaati ke zameen jothe aur na khethi ko paani de- beayeb hai jisme koi daag nahi- Inhone kaha ke ab tu sacchi baat laya hai- bas inhone ise zuba kar diya jabke woh (pahle aisa) karnewale nahi the.

72). Aur jab tumne ek khoon kiya, toh ek dusre par iski tohmath daalne lage aur Allah(swt) ko zahir karna tha jo tum chupathe the.

73). Toh hamne farmaya is mathkhaul (murde) ko , is gaay ka ek tukda maaro-Allah (swt) yunhi murde jee layega aur tumhe apni nishaaniya dikhatha ke kahin tumhe aqal ho.

74). Phir is ke baad tumhare dil sakath ho gaye goya woh patharon ki tarah the ya phir sakthi mein is se bhi badkar-jab ke patharon mein se bhi yaqeenan baaz aise hote hai ke in se nahren phut padti hai-aur yaqeenan in mein se aise bhi hai ke jo phat jayen toh in mein se paani nikaltha hai-phir in mein yaqeenan aise bhi hai jo Allah(swt) ke dar se gir padte hai- Aur Allah(swt) usse se gaafil bahi hai jo tum karte ho.

75). Aye musalmano! kya tum yeh umeed lagaye baite ho ke woh log tumhari baat maan jayenge, jab ke in mein se ek ghero kalaam-e-ilahi ko sunta hai aur ise achi tarah samajne ke bawjuud is mein tehreef karta hai aur woh khoob jaanta hai.

76). Aur jab musalmanon se milte toh kahte hai , hum imaan laaye-Aur jab apas mein akele ho toh kahten woh ilm jo Allah(swt) ne tum par khola, musalmanon se bayaan kar dete ho taake inhi baaton ke zariye woh tumhare Rab ke huzur tum se jhagda kare- bas kya tum aqal nahi karte.

77). Kya woh nahi jaante ke yaqeenan Allah(swt) jaanta hai jo woh chupaathe hai aur woh jo zahir karte hai.

78). Aur in mein aise jaahil bhi hai jo (apni) manghadath ke alawa kitaab ka koi ilm nahi rakthe aur woh mahez gumaan mein hai.

(Sadaqullahul Azeem) ✨

